

六藝之一錄

百五七

欽定四庫全書

六藝之一錄卷三百六十五

錢唐倪濤撰

歷朝書譜

明

錢溥

錢溥字原溥華亭人正統四年進士試薔薇露詩大見稱賞授檢討成化中為南京吏部尚書謚文通

列傳

紀
溥小楷行草俱工

書史會要

原溥書蓋宋仲温派也。硜硜負峭骨所乏者姿耳。

王世

貞三吳楷法跋

錢原溥書饒右丞論書帖行楷書

見式古堂書畫彙攷

錢博

錢博字原博溥之弟。正統乙丑進士授南京刑部主

事。終四川按察使。工古文詞善楷書行草。

松江志

錢博真行出自宋仲温

書史會要

國朝楷草推三宋首稱仲温然未免爛熟之譏又氣

近俗但體媚悅人目爾二沈兩錢承之蓋就織濃遂

成雲間字習詹氏小辨

商輅

商輅字弘載淳安人宣德乙卯發解乙丑會試廷試復舉第一為翰林修撰成化中歷少保兼吏部尚書

謹身殿大學士贈太傅諡文毅列御紀

王世貞國朝名賢遺墨有商輅書奔州續稟

劉珣

劉珣字叔溫號古直壽光人正統戊辰進士改庶吉士授編修成化中為戶部尚書謹身殿大學士贈太

保謚文和

列卿紀

公書法飄逸行草尤長

徐溥謙齋集

韓雍

韓雍字永熙吳人正統七年進士成化中為右都御史總督兩廣軍務謚襄毅摛詞灑翰風生泉湧天才

逸發

列卿紀

夏時正

夏時正字季爵仁和人正統七年進士成化初為南京大理卿博學高才工詩文書寫最善多著述尤詳

禮文之事

吾學編

陳鑑

陳鑑字緝熙長洲人正統戊辰進士成化中為國子祭酒平居無聲色之好好止藏書并古書畫器物而已為文才贍而氣完善筆札臨摹古人真蹟殆不可

辨艷翁家藏集

鑑日臨褚摹禊帖故似之而原本過佻不若魯男子

之善學耳奔州續稟

鑑作大字勁健竒古當代珍之書史會要

林鶚

林鶚字一鶚太平人景泰二年進士成化中為刑部

侍郎贈尚書諡恭肅秉禮植義造次必恭慎公餘輒

危坐閱書臨古帖作楷書吾學編

余子俊

余子俊字士英青神人景泰二年進士成化中為兵

部尚書贈太保謚肅敏

吾學編

王世貞國朝名賢遺墨有余子俊書

奔州續彙

倪謙

倪謙字克讓上元人成化中為南京禮部尚書贈太

子少保謚文僖

列卿紀

倪文僖公與僧求竹帖却無意而有筆

王世貞三吳墨妙跋

沐琮

沐琮字廷芳號益菴又號東山居士成化乙酉嗣爵

鎮雲南善草書歌詩樂府瑰麗可觀贈太師謚武僖

開國
臣傳

江玳

江玳字用良仁和人景泰辛未進士授禮科給事中

成化時出為山東參議遷參政分省人
物考浙江布政

司重建貢院記江玳書

陳獻章

陳獻章字公輔新會人居白沙村人稱之曰白沙先生正統丁卯中鄉試兩赴禮闈不第從吳聘君講伊洛之學憲宗時授翰林檢討能作古人數家字山居筆或不給束茅代之晚年專用遂自成一家時呼為茅筆字得其片紙藏以為家寶交南人購之每一幅易絹數疋

張翊白沙先生行狀

陳徵士獻章作詩脫略凡近其書法得之於心隨筆

點畫自成一家

游潛夢
蕉詩話

陳白沙書雜詩帖草書

見式

古堂書

畫彙攷

羅倫

羅倫字彛正永豐人成化二年進士第一為翰林修

撰謫副提舉福建市舶復官改南京尋辭疾歸閉門

授徒日以注經為業

吾學編

倫善行楷法文信國筆力清雅結構端嚴評者謂為

翰墨中珊瑚玉樹

書史會要

莊杲

莊杲字孔暘號木齋又號定山居士江浦人成化丙戌進士授檢討上疏忤旨調湖廣桂陽判未行改南京行人司副陞吏部郎中白沙先生曰定山草書迴

然自成一家

湛若水
甘泉集

杲為詩握唐人機軸變幻百出往往近踵風雅其字

畫亦然

嚴從簡使
職文獻

定山深解書法或問張汝弼草書曰好到極處俗到

極處問如何則可曰寫到好處變到拙處曰何居曰

所謂行墨因調性者是也

書史會要

張弼

張弼字汝弼晚號東海翁成化丙戌進士授兵部主事進員外郎出守南安為文自立一家言詩多警句往往為人傳誦其草書尤多自得酒酣興發頃刻數十紙疾如風雨矯如龍蛇歌如隨石瘦如枯藤狂書醉墨流落人間雖海外之國皆購其蹟世以為顛張

復出也

震澤集

張東海草書名一世詩亦清健有風致嘗自評其書不如詩詩不如文予戲之曰英雄欺人每如此不足

信也

李西涯詩話

東海張先生守南安時各郡收兵議賞武夫悍卒乃惟願得侯墨妙而過客亦往往以是罷誅求焉歲以

筆劄佐郡費類此

張鼎先進舊聞

東海在當時以氣節重其書學懷素名動四夷自是

吳中書家輩出聲價少減然行狎書尤佳今見者少

耳容臺集

張汝弼栽杏詩簡見式古堂書畫彙考

張汝弼草書卷

張汝弼嘗自評其草書以為大者勝小者予謂英雄欺人每如此不足信也及觀韓黃門此卷則其大字

果勝賢者固不可測耶懷麓堂集

曩子問東海索書輒謝曰待偶然有得意者當舉以

為贈不敢取應酬者塞命也然竟不獲其所謂得意者恒以真憾乃若倡和詩篇往返書札則所得甚富每一展玩疑所謂得意者或在其中雖東海亦或不能自知耶時行黃門持此冊見過摩挲再三恍然如見其笑語而東海之不作久矣噫時行尚謹護之安知不有好事者以為得意之筆伺其傍而拔其尤者

以去耶

程篁墩集

東海先生以草聖蓋一世喜作擘窠大軸素狂旭醉

震盪人心目而此卷矮紙踈行尤擅清麗况詩律散語俱有關繫處不但其子孫當寶之也後有吳文定公為陳冷菴跋識蓋冷菴所得今為先生之孫敷善所收祖武手澤不但尋常所當寶之書畫也冷菴名琦字粹之罷察官歸至口食不給予少時猶及識焉清癯鶴立望而可敬又聞文定公起歲貢先生獨識之曰歲貢中亦有此人耶遂以狀元及第卒為名臣五六十一年前先生風範如此最後東橋顧華玉衡山

文徵仲文翰有法皆吳產也語云魯無君子斯焉取
斯深於是為之斂衽敷善其尚寶之敷善名其性後
樂先生之長子涵養粹深慨然有求道之志又不但
以詞翰世其家而已

陸儼
山集

張東海草襍書

東海張公守南安時雜書數紙郡掾劉暹得之成卷
公之子時行黃門持以示予中有公與予詩一首蓋
公寫而未發者予欲取之因感楚弓得失之語書其

後而還之

乾翁家
藏集

張汝弼草書

右詩七首故南安守張公汝弼書以遺濮武庫者張
公草書師宋昌裔昌裔者名廣洪武初與宋克仲溫
宋璠仲珩俱以書擅名人稱三宋然評者謂昌裔書
較之二宋不逮以其筆聯續不斷非古法也

寓意
編

張弘宜

張弘宜字時措號後樂南安守東海公之仲子成化

辛丑進士官至廣西按察副使詞翰得東海遺法尤

長於署書居然朱晦翁體

何三畏雲
間志略

張駿

張駿字天駿號南山華亭人工書法行草隸篆入妙

入神與東海齊名時號二張景泰癸酉舉於鄉成化

初為中書舍人直文華殿後以禮部尚書致仕

雲間志略

天駿用南安體更變輕弱

書史會要

駿草書宗懷素得其龍蛇戰鬥之勢論者病其傷於

雕琢故居張東海之下

書史
會要

蕭顯

蕭顯字文明號履菴更號海釣永平山海衛人成化
戊辰進士擢兵科給事中終福建按察僉事為詩清
簡有思致書尤沉著頓挫自成一家卷軸徧天下傳

至外國

分省人
物考

蕭顯與張南安同時以狂草稱

書史
會要

王獻

王獻字惟臣號退菴仁和人景泰辛未進士成化中
為太常寺卿兼學士作文有奇氣作字飄逸類其為

人列卿
紀

林章

林章字以成錢唐人以大書薦於朝景泰初授中書
舍人成化中為太常寺少卿書法道勁尤精鑒賞
懷麓

堂集

姚黼

姚黼字廷章號松雲

姚綬父

博涉書史工草書尤善五

七言詩築室數楹中列古彝鼎器金石遺文法書名

畫優游自樂人皆以可閒先生稱之

錢溥松雲姚處士誌銘

姚綬

姚綬字公垂嘉興人天順中英宗賜為進士以監察

御史事憲宗尋出知永寧解官歸所居在大雲里東

饒水竹作室曰丹邱嘯咏其中人稱丹邱先生又作

滄江虹月之舟遊泛吳越間甚適善書法鍾王勁婉

咸妙畫初學水墨後遂進學唐品得古意

揚循古松
籌堂集

姚綬書類張伯雨

書史
會要

姚侍御書溪東篇行書

公綬贈金良德詩

姚穀

菴贈菊坡高士詩帖

雲東逸史雜詩卷

姚丹丘

咏物詩冊

姚雲東書李商隱詩二卷小行楷書

見式

古堂書

畫景攷

姚旬

姚旬字用宣號可竹晚號觀頤

子綬

詩宗杜字學沈民

則憲宗時以善書薦直仁壽殿授鴻臚寺序班

錢鶴灘集

蔣文藻

蔣文藻與姚丹邱同隱大雲執師資之禮書畫步趨

丹邱

六研齋筆記

桑琳

桑琳字廷貴

桑悅之父

常熟人好學工詩善書法性恬淡

喜黃老術

錢肅樂大倉志

桑悅

桑悅字民懌號思玄別號鶴溪道人領成化乙酉鄉薦三試得乙榜除泰和訓導遷長沙通判調柳州書法趙子昂其俊秀實祖二王圓勁方正又得北海遺

法

思玄集
小傳

悅行楷宗晉人草書流暢法懷素

常熟文獻志

桑民懌書

桑民懌才名噪一時幾有雕龍繡虎之稱此卷為盛秋官書者尤多生平得意語其書似不勝文文似不

勝詩大要不能去俗耳盛舉高第後至廣憲以廉名

弇州山

人稟

朱應祥

朱應祥字岐鳳號鳳山松江人與桑民懌並以文名

成化丁酉以歲貢薦南畿書兼數家道勁有法度尤

長於題壁

松江志

應祥博學工詩善於行草

書史會要

陳旦

陳旦字武臣太倉衛學生號易齋更號甘隱桑悅負
才尚氣不輕與人接見惟與旦交甚密旦亦愛桑書
法摹寫之多逼真

陳如綸冰玉
堂綴逸稟

李承箕

李承箕字世卿人稱大厓先生嘉魚人成化中領鄉
舉不肯會試往見白沙久之歸日端坐一室客至相
與劇談賦詩醉起書之劄草濡墨斜斜整整無不如

意

震澤
集

陳鋼

陳鋼字堅遠號遲宜子鄞人徙南京舉成化乙酉鄉

試授黔陽知縣擢長沙通判書法褚河南所摹蘭亭

奕奕有致

江寧志

薛穰

薛穰字有年鄞人成化壬午舉應天鄉薦授涿州知

州改灤州博學能詩宗唐人書法學鍾王

寧波志

楊茂元

楊茂元字志仁鄞人成化五年進士授刑部主事正
德中為刑部右侍郎工篆隸草書字畫遒勁匪特臨
池之功抑亦正毅之氣隨寓而見也

分省人
物考

林俊

林俊字待用莆田人成化十四年進士授刑部主事
遷署員外郎僧繼曉以祕術幸於上發內帑數十萬
為建永昌寺西華門太監梁芳主之臺諫莫敢言俊
上書直聲大震都下傳草有繪圖而鬻者世宗時為

刑部尚書贈少保諡貞肅

書畫眼

俊書宗蘇米頗得筆勢

書史會要

翟瑛

翟瑛字廷光江寧人成化丙戌進士歷官太常卿作

字運筆如飛結體流麗可愛

金陵瑣事

奚具

奚具字時亨別號千東子華亭人登成化己丑進士

官至刑部郎中性嗜書手未嘗釋卷口未嘗絕吟興

至則臨漢晉法書書輒盈几

雲間志略

邵珪

邵珪字文敬宜興人成化己丑進士官至嚴州太守
善書工篆詩有新意有半江帆影落尊前之句人稱

為邵半江

宜興縣志

珪善草書小楷得晉唐人筆意

常州志

曹時中

曹時中初名節以字行號定菴又號晚宜居士華亭

人登成化己丑進士官至浙江按察副使喜為懷素

草書竟日不倦

雲間志略

時中以詩名尤工書晉唐名家皆能以意會懷素宋

克則愛而摹倣者晚年益精小楷嘗曰自少至老已

覺世味淺薄惟學書一事可以消日

書史會要

黃謙

黃謙字撫之號紫芝江寧人成化壬辰進士授工部

主事工詩善書法碧峯寺額其筆也

存微錄

黃謙行草道勁古雅榜書更妙

金陵
瑣事

楊榮

楊榮字時秀餘姚人成化壬辰進士為戶部主事長

於詩書學懷素

分省人
物考

沈瀚

沈瀚字東之號敬齋歸德人成化甲辰舉進士授西
安府推官正德中為建寧知府工正書好為詩長於

歌行

李廷機
文節集

李經

李經字士常號力齋臨淮人成化戊戌進士入翰林

為庶吉士拜河南道御史善楷書

懷麓堂集

趙寬

趙寬字栗夫世居吳江之雪灘因號半江成化辛丑

會試第一人仕終廣西按察使為文雄渾秀整行草

亦清潤

半江集
小傳

尹蓋

尹蓋字廷臣成化中以進士拜監察御史謫判澧州擢知鄖陽府博學工詩尤工書人以為得晦翁筆法

震澤集

李漢

李漢字克昭號方塘南昌豐城人成化進士官至工

科都給事中平生喜追晦菴書法久乃逼真

羅玘圭
峯集

陳謙

陳謙字士謙姑蘓人居京師能楷行書專效趙松雪

華媚可人時染古紙偽作趙書猝莫能辨購書者踵

接戶外懷麓堂集

張翔

張翔字騰遠澤州人工書善記誦入州學為弟子員

以例貢禮部授朝邑訓導懷麓堂集

胡鍾

胡鍾字應律號澹菴撫州豐城人好學工書法以山

水琴書自娛封監察御史魯鐸文恪公集

朱夏

朱夏字

闕

南號勉齋吳人元儒學提舉德潤之曾孫

以授徒為業為詩文語皆平淡如其人尤精於詩甚

得指法

艷翁家
藏集

蔡桂芳

蔡桂芳字德馨崑山人居京師攻書翰所摹東坡三

刻用意精到與真蹟不差毫髮

艷翁家
藏集

郁瓊

郁瓊字文佩號松坡上海人文體好為連珠書如趙

文敏而道勁有加焉

魯文恪
公集

李元壽

李元壽號鹿野翁崑山人少工書嘗書諸經四書小

本楷法精善三原王端毅公巡撫江南見而愛之呼

為李生使侍舟中為人淳篤而善書以是為搢紳所

重碑石多其所書

歸震
川集

王瑛

王瑛美容儀工書畫字廷輝

王崇慶
端溪集

陳文

陳文字汝明號謹齋性嗜學為文出人意外表書法晉

人小楷亦自拔俗

端溪集

陳煒

陳煒字文曜號恥菴閩縣人成化時官浙江左轄志

高行潔妙翰墨善吟咏片言隻字為人寶惜

書史
會要

張錫

張錫成化時貢士善草書嘗云觀二王法帖極信子
敬不及逸少蓋逸少聖而神者變化無所不至獻之
雖云至妙其大而未化者耶

書史
會要

葉綬

葉綬字叔章上虞人中江西鄉試仕應州學正學問

該博尤善古篆

書史
會要

王暘

王暘字時暉慈溪人鄉舉在高選五試禮部不售居

國學餘十稔漁獵百氏作古文近體詩詞及晉人書
日益工將擢中書舍人遽以疾不起無不痛惜之

文品

懿公集

馬璪

馬璪字公信成化二十年進士官郎中書法趙孟頫

金陵

瑣事

顧謙

顧謙成化時貢士以楷書薦舉官主事

金陵瑣事

蔣主孝

蔣主孝字宗倫工小楷

金陵瑣事

陳欽

陳欽字亮之號自菴成化二十三年進士官廣東提

學副使

江寧府志

自菴工書人寶愛之

名臣傳

陳大章

陳大章字明之號月隴盱眙人官至太僕少卿有詩

名尤工行草

圖繪寶鑑續纂

洪鍾

洪鍾四歲能作大字憲宗召見命書聖壽無疆鍾握筆久之不動上曰汝容有不識者乎鍾叩頭曰臣非不識第此字不敢於地上書耳上命內侍舁几一揮

而就

皇明世說新語

江西通志曰鍾字季和崇仁人年十

八登弘治庚戌進士除中書舍人陞禮部員外郎

崇仁洪鍾四歲隨父入京至臨清見牌坊大字題額索筆書之遂得字體至京師設肆鬻字憲宗聞之召

見治世
餘聞

沈應奇

沈應奇字天瑞七歲能大字以神童薦憲宗召試命
書皇帝字應奇俯伏奏曰書皇帝字乞賜一几上奇
之字復稱旨命授中書舍人時內閣萬安奏當令讀
書不宜使有官遂改送順天府學中正德己卯鄉試

與修武宗實錄成復授中書舍人

張時徹
寧波志

吳東升

吳東升成化間為百戶善楷書劉士亨寄之詩云墨

花香滿研池頭盡說能書老戶侯顧免分毫犀授管

今金箋上字雙鉤

西湖遊覽志餘

杭城十門皆東升書額淨慈寺壁書南屏二大字結

構尤佳

杭州志

陳焯

陳焯字文厚閩人成化辛卯鄉貢性豪宕踈曠工詩

善行草書達宦貴人求不能得至具酒脯屬田父野

史反得之自號棲雲史

閩書

文鑑

文鑑字汝同崑山人小楷學夏仲昭

書史會要

洪昌

洪昌字汝言晉江人為常州府學訓導經學純正議

論古雅長詩文善草書

閩書

李厚

李厚字文山雲南昆明人為三吳驛丞善楷書

祁陽縣志

黃暹

黃暹字孟東莆田人為祁陽縣儒學訓導善書畫能

吟咏

祁陽志

涂端

涂端字邦祥番禺人成化丁未進士授編修陞修撰

以文學著聲性豪宕不羈尤善書法

廣東通志

吳佐

吳佐成化乙酉舉人授岳州通判工書法善吟咏

湖平

志

華清

華清字廉夫應城人成化八年進士為蘇州府推官

工書畫善吟咏

馬翁德安府志

史琳

史琳字天瑞餘姚人成化丙戌進士官至右都御史

贈太子少保善書

分省人物考

陶成

陶成字懋學成化辛卯舉人工詩書篆隸號雲湖散

人寶應志

張西銘

張西銘字希載寧州人工詩文字頗類晉而加清勁

成化己未進官至河南道御史

張繹臨安府志

陸淵之

陸淵之字克深上虞人成化中進士授禮部主事出知叙州府後參政河南進右布政使篤行好學詩文

古意書善行草

孫鑛 紹興志

李旻

李旻字同仁益都人善行草書成化中領鄉薦授同

州守改潞州

分省人 物考

施槃

施槃字彥器號新齋成化甲辰進士官至山東按察

副使工草書人共珍之

素應 祺 黃 岩 縣 志

趙子禧

趙子禧字慶夫鶴慶府人成化十四年由舉人為建

水州儒學訓導有文學習草字草字清勁可愛

張繹臨安

府志

徐博

徐博嘉定人

字德宏號竹居徐忤弟

嘉定人成化中以監察御

史出知巴東縣卓有聲譽工書法

湖廣總志

周庚

周庚字原已初名京吳縣人家世業醫而庚善讀書

工古文詞善行楷成化中以名醫徵歷官太醫院院

判蘇州志

陸鑾

陸鑾字克和七歲能詩歌成化間以善書徵授鴻臚

序班平湖志

倪祚

倪祚攻詩善真行書秦梁無錫志

莫懋

莫懋字雲樓無錫人好為張旭狂草

秦梁無錫志

王佑

王佑字彥貞雅尚文學所交皆一時才俊尤善草隸

吟咏別號玄谷道人

楊德政建陽志

張乾

張乾字惟健太倉人能作大字州初立時諸題額俱

出其手以薦入仁智殿

太倉州志

史循

史循咸陽人成化十八年輸粟濟邊拜散官善書翰

通子史大略教鄉社子弟二百餘

吉人咸陽縣志

劉蒼

劉蒼字伯春鷹揚衛千戶九歲嗣官十五入武學篤

志刻勵通書史又能書

江寧府志

沈本初

沈本初字大中詩有韋孟風小楷絕類顏平原時稱

三絕

崑山人物傳

張晟

張晟字德齋嗜學好古能大書官千戶

江寧府志

石璞

石璞字元素崑山人性脩然不樂仕進書法蔡君謨

有肖神處

崑山人物傳

周禔

周禔字維敬為府掾補樂平簿改興國尋告歸登臨

眺咏好著述工草書

松江志

方炯

方炯字用晦莆田人學醫於蜀人虞仲文能詩工書

自號杏翁

八閩通志

孫適

孫適號東巖老人錢塘人隱居甘泉里有詩名善行

草

杭州志

陶玻

陶玻字仕珩縉雲人七歲能賦詩善楷書後厭科舉

究心聖賢著仁家訓諸錄窪尊見鳴諸藁

何鏗括
蒼藁記

梁淮

梁淮字伯海泰寧人工詩文善真草篆隸書教授鄉

里號雲麓樵者

廖富泰
寧縣志

沙洪

沙洪字文遠臨高人從吳琦學豁達坦夷善書大筆

尤道勁

唐胄
瓊臺志

沙廷梧

沙廷梧洪子官汀衛經歷作楷有父風規

唐胄瓊臺志

鄺海

鄺海右所人書名獨步一時稱八品畫得撮押鈎格

抵之法點畫生動不苟

唐胄瓊臺志

傅佐

傅佐字秉忠右所人善書小楷尤峻密成化間任鴻

臚寺序班陞中書舍人後以武功為廣東後衛百戶

唐胄瓊臺志

吳震

吳震瓊山人善真草篆隸書為左衛經歷

唐曹瓊臺志

柳濟

柳濟字孟淵別號耕叟德化人善楷書

李汎九江府志

吳鑒

吳鑒字宗道為醫學訓科莊定山勸令讀書遂從講

學能詩善草書

沈孟化江浦縣志

張順

張順字弘裕錢塘人成化中為定州學正草楷篆隸

靡不精佳

韓上桂定州志略

余孟拳

余孟拳無錫人善小楷仕保定新城訓導

秦夔無錫志

六藝之一錄卷三百六十五

欽定四庫全書

六藝之一錄卷三百六十六

錢唐倪濤撰

歷朝書譜

明

李東陽

李東陽字賓之號西涯茶陵人四歲能大書景帝召見加諸膝賜寶鏹舉天順八年進士授編修弘治八年入內閣十六年加太子太保戶部尚書謹身殿大

學士贈太師諡文正

編 吾學

涯翁篆勝古隸古隸勝真行草

弇州山人藁

東陽草書筆力矯健成一家小篆清勁入妙

詹氏小辨

李西涯字刻

西涯公德行文章重天下其書在金石者天下之人重之若珪璧琬琰固無容贊矣但刻工有高下故其精神之妙或不能無異公嘗謂近時京師惟閻傑刻為第一汴梁郝升篆文亦頗合古意後寄示揚州瓊

花詩不知何人刻又極稱許餘皆未滿公意刻工之
難有如是哉太原陳君邦瑞以所得公金石書若干
通萃為一卷邀寶觀之寶出公門下聞公評書每及
於刻因附數語俾觀者知之公真行草書皆自古篆
中來晉以下特兼取而時出之耳故所成如此若不
求其原而惟迹之逐豈知公書者哉

邵寶容
春堂集

李文正詩翰卷

太師李文正公詞翰擅聲館閣間此卷為宗易太史

書當謝首揆之次歲而卷端有牧羝擊賊笏二曲豈
意有所不足耶今年為甲戌距公書時正一甲子當
此可無感也宗易為任邱李文康公時亦以首揆贈
太傅偶與元馭語次及此因舉贈之以此於虔刀之

義云爾

弇州山人稟

李西涯書風雨歎

長沙公以壬辰為此風雨歎後二十年為苦熱行又
後十有八年因書一卷前以茅筆書苦熱後另以豪

筆追書此詩考其年皆公為史官宮坊日所作而於
天序民情汲汲以為已憂已有相天下之槩焉彼其
時而依違委曲於其間蓋亦潛為補救之苦心而論
者不察豈欲人各自顧其聲跡而置國事於不恤所
云末之難者又足願乎此字更謹嚴有體即不如苦
熱之橫逸而古雅過之皆翰圃之瑰寶也

墨林
快事

李西涯書苦熱行

長沙公大草中古絕技也玲瓏飛動不可按抑而純

雅之色如精金美玉豪無怒張蹈厲之態蓋天資清
澈全不帶滓渣以出然他所作即刻石者乃多有一
種習俗之氣是以評者多不與之若皆如此紙則何
處可容其抨彈焉公振起文運今後來之雋遠陋宋
元世人又多以繞指病之大抵人各有品論世者宜
另具心胸眼目也天啓乙丑首夏三日

墨林
快事

李西涯書長江行

西涯先生天資高朗愛才喜引接後進海內文章之

士翕爾歸之名日益尊然詩樂浮靡字以自出機軸
為佳人漫謂之臺閣體自爾以來遂致與海內才士
分塗不相通轉相誚者若而年今稍稍契合乃才士
之力多矣長江行正其本色余收有先生長卷大草
二韻致與此殊然彼佳矣金山諸刻以此蓋先生或
未盡先生之美識者當知長沙自有大全在天啟辛

酉九月八日

墨林
快事

吳寬

吳寬字原博成化壬辰會試第一人試大廷又第一
授翰林修撰弘治中為禮部尚書兼學士贈太子太
保謚文定為文不事追琢獨嚴體裁為詩沉著高壯
一洗近世尖新之習作書姿潤中時出奇崛雖規模

於蘇而多所自得

震澤集

吳文定公懷修竹書隱詩卷

匏菴贈以岩詩冊

匏菴臨懷素自叙帖并題

吳原博雜詩卷

吳原

博林下詩蹟

式古堂書畫彙攷

吳文定及第後謝恩表藁

成化壬辰科進士凡二百五十人而狀元為吾鄉吳
文定公故事狀元宴禮部受冠服之後當率諸進士
上表謝恩此則公所作表藁而藏於其子中書舍人
與公領鄉薦時名列在第三是科會試第一及廷試
復居榜首入翰林為修撰至學士進大宗伯專典內
制天下之人無不知有公者穆謂公之所以重於天
下豈直科第與官而已其道德足以師乎後學述作

足以匹乎古人至於書翰之妙識者亦以為不減大
蘇國朝自設科以來前乎公者狀元凡三十人為學
士至大官蓋不知其幾道德文章如公者可多見哉
而况此表為公榮遇首作當與廷對策並傳於世可

也

南濠
文跋

艸菴臨懷素自叙帖

懷素自叙帖余嘗見宋昌裔所臨一本然多自出已
意吾疑其相遠及得原博先生所摹逶迤曲折具得

禿翁之意於是益知宋之不類也豈臨書家非才參
力及有不可以易致歟米元章書史載蘇沂所摹自
叙帖一如真蹟不知於吾原博者何如惜余不得而
並觀之也庚子歲正月庚子坐日色中展玩因書之

崑山陸鉞

式古堂書
畫彙攷

文至莊詩至太白書至懷素皆兵法所謂竒也正有
法可循竒則非神解不能及觀文定所臨懷素此書
用筆結體譎詭恍惚幾不可為象矣若真蹟不知又

當何如耶令人遐想無已

顧璘息園存稟

吳原博雜詩卷計二十四段

吳文定公體度俱效蘇文忠而神致全本二王故筆
筆生動其足引人玩味雖朝斯夕斯趣韻難以縷數
也一字中具足令人十日思矧篇牘二十四幅豈非
稱墨寶乎乙未夏日偶得於吾鄞賞鑒家尚珍藏之

己亥秋日雨臣范霖識

式古堂書畫景攷

吳文定與沈石田手札

聞之王秋澗云字畫亦可以觀人之壽夭文定以甲子七月十日奄逝此札作於是月之六日相去四日耳其點畫法度具在言辭溫潤諄切與平日無異也秋澗之言豈欺我哉昔曾子臨終所以告孟敬子者也謹於容貌顏色詞氣之間文定此札久要之誠恬退之節蓋略見焉其所養可知矣公於石田最厚往來簡牘尤多而此札則若與永訣然者故尤重之寶之裝潢成卷俾予書其後於戲公之筆於是乎絕矣

震澤

集

吳匏翁自書詩卷

匏翁此詩予二十年前嘗見之今世宏復持以相示
竊有感焉翁詩如漢循吏所至無赫赫聲而去思不
已世或模擬之鮮能似也翁逝矣詩失於彼而傳於
此予亦何知哉正德六年正月十三日

容春堂集

吳原博書大石聯句

原博諸君子大石聯句久為吳中盛事原博書法第

一此書又平生最合作者重以嗣響聯翩觸目琳琅
江南文獻盡在是矣事既奇勝蹟復完富便是我明
蘭亭永為世寶妙物通靈儻及搜剔異日山東書生
過訪恐此非先生有也

王奉
常集

吳匏翁書

匏翁吳中前輩行誼擅絕不直文翰之工爾也書法
法蘇學士濃顏厚面祛去吳習亦畢竟趙宋本色耳

超著實難

來禽
館集

吳奕

吳奕字嗣業號茶香居士文定公從子亦善書筆法

類文定公

延陵族譜

吳茶香東莊小集詩帖小楷書

式古堂書畫彙攷

謝遷

謝遷字于喬餘姚人成化十一年進士授修撰弘治

八年與長沙同入內閣十八年加少傅太子太傅禮

部尚書武英殿大學士贈太傅諡文正

吾學編

王世貞國朝名賢遺墨有謝遷書

奔州續橐

邵寶

邵寶字國賢無錫人成化二十年進士弘治中為禮

部尚書贈太子少保謚文莊

吾學編

文莊善行草深得顏魯公筆意

書史會要

徐溥

徐溥字時用宜興人孝宗時入內閣歷少師兼太子

太師吏部尚書華蓋殿大學士贈太師謚文靖

列卿紀

王世貞國朝名賢遺墨有徐溥書

弇州續彙

李應禎

李應禎名姓以字行更字貞伯長洲人景泰癸酉舉

鄉試入太學授中書舍人弘治中為太僕少卿博學

好古篆楷俱入格

列卿紀

少卿書人有求者多怒不應以故傳世少

書史會要

少卿真行草隸皆清潤端方如其為人

書史會要

少卿書法自成家蓋軼唐而上然每恥以是見名

文震

孟姑蘇名

賢小記

李少卿手帖

故太僕少卿李貞伯最喜交游然非其人輒怒見顏色不與接一言此手帖一卷皆遺今孫太常志同者蓋非志同契合之厚何以得此而志同重其為人雖貞伯歿久片紙數字及瑣細事者亦不忍棄所謂一死一生乃見交情者歟

乾翁家藏集

李貞伯書石湖詩

右宋叅知政事齊國范文穆公詩一律故太僕少卿
李公應禎所書李公與文穆同為吳人其云夏日雨
坐因書是詩則文穆詩語似為李公今日而發此可
以見古今之同心而李公崇重鄉賢之意抑又可知
非特字書之妙而已穆嘗灑掃李公之門今而九原
不作懷想典刑為之慨然

南濠
文跋

李少卿書帖

家君寺丞在太僕時公為少卿某以同僚子弟得朝

夕給事左右所承緒論為多一日書魏府君碑顧謂
某曰吾學書四十年今始有得然老無益矣子其及
目力壯時為之因極論書之要訣累數百言凡運指
凝思吮豪濡墨與字之起落轉換大小向背長短踈
密高下疾徐莫不有法蓋公雖潛心古法而所自得
為多當為國朝第一其尤妙能三指尖搨筦虛腕疾
書今人莫能為也余雖知之而心手不逮蓋數年未
始有得今公已矣嘗欲萃其言為李公論書錄而未

暇也今日偶閱此帖不覺感愴疇昔用記如此

甫田集

自書學不講流習成弊聰達者病於新巧篤古者泥於規模公既多閱古帖又深詣三昧遂自成家而古法不亡嘗一日閱某書有涉玉局筆意因大咤曰破却工夫何至隨人脚踵就令學成王羲之只是他人書耳按張融自謂不恨已無二王法但恨二王無已法則古人固已規規為恥矣此帖為郎中時書其轉折處鋒芒削利蓋早年嘗學虞恭公碑如此後五日

又題甫田集

何喬新

何喬新字廷彥廣昌人景泰五年進士弘治中為刑

部尚書諡文肅吾學編

喬新楷法極謹細無一筆苟王世貞國朝名賢遺墨跋

何喬福

何喬福字廷錫讀書不事章句率其意為歌詩晚精

草書得顛素筆法椒印文集

何宗

何宗字本茂盱之廣昌人

兄喬新

穎敏好學性喜書初

師歐陽率更晚更兼顏柳之體邑之山鏡冢刻多出

其手

椒丘文集

王與

王與字廷貴武進人生有異質十歲能作詩景泰辛

未進士授編修孝宗時為南京吏部尚書贈太子太

保謚文肅真行書皆道勁脫俗

列御紀

童軒

童軒字士昂應天人景泰辛未進士拜吏科給事中
弘治中為南京禮部尚書致仕為文淵博雄麗詩有

唐人體裁書法遒勁

分省人物考

徐瓊

徐瓊字時庸號東谷金谿人天順丁丑進士第二人
授編修弘治中為南京禮部尚書加宮保圭峰羅公
謂瓊之量弘矣而無量名文優矣而無文名書善矣

而無書名有三不近名贊

撫州志

沈暉

沈暉常州宜興人天順庚辰進士弘治中為南京兵

部侍郎詩有魏晉風楷書得魯公筆意

列卿紀

周經

周經字伯常陽曲人舉天順庚辰進士入翰林為庶

吉士授檢討弘治中為戶部尚書贈太保謚文肅為

詩文及書麗而有則

懷麓堂集

陸鈇

陸鈇字鼎儀號靜逸又號凝菴崑山人天順癸未試
禮部第一甲申廷試第二授編修弘治初擢太常少
卿兼翰林侍讀為文章周慎雍裕詩調高古尤嗜書

清勁可愛

懷麓堂集

羅璟

羅璟字明仲江西泰和人天順癸未進士及第除編
修弘治中為南京國子祭酒

列御紀

水玉筆法頗欲學宋仲溫而未成長然當其時亦錚

錚不知何故遠讓長沙

王世貞國朝名賢遺墨跋

劉大夏

劉大夏字時容華容人天順八年進士為庶吉士出

為職方主事歷郎中弘治十五年為兵部尚書致仕

善書嘗預作壽藏記書而勒諸石贈太保謚忠宣

學吾

編

傅瀚

傅瀚字曰川

號體齋
新喻人

天順甲申進士入翰林為庶吉

士授檢討憲宗見古帖隻字百餘函走中使令編次

為韵二律頃刻而就弘治中為禮部尚書贈太子太

保諡文穆博學強記為詩文峻整有格書法亦道美

懷麓
堂集

傅潮

傅潮瀚之弟成化辛丑進士為中書舍人

乾翁家
藏集

瀚弟潮亦工書時稱一家二妙

震澤
集

倪岳

倪岳字舜咨上元人天順甲申登進士入翰林為庶

吉士授編修弘治中為吏部尚書贈少保謚文毅震澤

集

王世貞國朝名賢遺墨有倪岳書

弇州續彙

謝鐸

謝鐸字鳴治號方石太平人少穎敏能為韻語天順

甲申登進士第選庶吉士授編修孝宗時為禮部右

侍郎掌祭酒事贈尚書諡文肅

列卿紀

王世貞國朝名賢遺墨有謝鐸書

弇州續彙

戴珊

戴珊字廷珍浮梁人天順八年進士弘治九年為南

京刑部尚書改左都御史贈太子太保諡恭簡

吾學編

王世貞國朝名賢遺墨有戴珊書

弇州續彙

屠瀟

屠瀟字朝宗號丹山鄞縣人成化丙戌舉進士試監

察御史弘治中為吏部尚書加太子太傅贈太保諡

襄敏

列卿紀

李東陽屠丹山詩卷跋云右太子太傅丹山屠公手

書長歌一卷以遺贈太保周文端公者也雖言語辭

翰皆文獻之所在

懷麓堂集

程敏政

程敏政字克勤休寧人以奇童薦入翰林登成化二

年進士淹貫經籍學最博贍弘治中以太常卿進禮

部侍郎兼翰林學士

吾學編

敏政書合處不減李賓之

王世貞續名賢遺墨跋

羅玘

羅玘字景鳴號圭峯南城人成化丁未進士歷官吏

部右侍郎禮部尚書諡文肅

吾學編

李宗易建亭曰午風羅景鳴隸書其上

石瑤熊峯集

呂獻

呂獻字丕文號甲軒紹興新昌人成化甲辰進士授

刑科給事中孝廟登極命使交趾弘治十年擢應天府丞終南京兵部侍郎詩文冲淡純粹善草書跌宕

竒偉

列御紀

戴經

戴經字孟常秀水人成化丙午舉人歷延平九江二

府推官陞泰安知州致仕有雙湖集行世

項元廉秀水志

碧梧秋月詩序弘治十一年雙湖居士戴經書

鄒衡嘉興

志補

廖輔

廖輔字舜元號東山長汀人弘治二年貢知壽州善
詩工草書有張東海筆意為時所重董宣贈以歌云
壽州草書天下雄翰林風月羅心胸筆鋒清勁奪天
巧造化到此全無功

汀州志

張鳳翔

張鳳翔字光世洵陽人左手橫書作字瞬息滿紙弘

治五年舉鄉試後成進士仕至主事

書史會要

蔡潮

蔡潮號霞山臨海人弘治乙丑進士仕至河南右轄

善作大書巨坊名扁取稱遐邇

書史會要

張弘至

張弘至字時行號龍山東海翁季子草書得三昧法

有父風時比之芝旭羲獻弘治丙辰登進士改庶吉

士授兵科給事中後以戶科給事中致仕

雲間志略

張其湜

張其湜字季琰弼孫弘至子善詩草書有祖風

書史
會要

周宣

周宣字彥通號秋齋清浦人弘治進士仕終廣東左

轄能詩文書法端勁有體格海內重之

書史
會要

張淵

張淵字子靜號孟嘏吳興布衣守道安貧隱居鴻村

之野與沈石田友善行楷規模玉局翩翩有致

書史
會要

馬時暘

馬時暘名瑄以字行會稽人博通經史尤善古篆隸

孝廟初徵入華蓋殿供御授錦衣衛鎮撫書史會要

楊節

楊節字居儉餘姚人弘治中以善書直內殿為序班

書效顏魯公更加瘦勁書史會要

劉挺

劉挺字咸卓萬安人弘治庚戌登進士第授武選主

事累官河南布政古章句步驟柳州字畫類顏甚偉

劉玉執
齋集

曾琮

曾琮字石卿號丹崖壬午領省薦授鄴都令性嗜書
未嘗一日釋手風日清和則又臨摹法帖故文辭既

富而字畫亦精

劉玉執
齋集

周佩

周佩字鳴玉別號北野華亭人弘治庚戌舉進士授
工部主事升員外郎轉刑部郎中劉瑾擅政乞身歸

隱日玩周易一卦課詩一首字數幅歲以為常詩學

唐字做晋皆有法

馮元成集

吳綸

吳綸字大本宜興人創別墅於溪山間南曰樵隱西

曰漁樂自號心遠居士喜作書得法書名蹟必日臨

數過其書往往為鄉人取去藏之至蘇必過沈石田

流連浹旬乃去

震澤集

皇甫信

皇甫信字成之長洲人弘治戊申貢入太學少負奇
氣為文章數千言立就作詩有警語尤工書法行師
趙文敏楷師張即之以上逼顏魯公瓌璋峭勁求者
日填戶吳中公府學校齋坊多出其手

震澤集

朱存理

朱存理字性甫長洲人從杜瓊先生游聞人有奇書
輒從以求以必得為志其詩精工雅潔務出新意尤
精楷法手錄前輩詩文積百餘家著鐵網珊瑚

甫田集

性甫爰自弱齡夙勤文學書窺晉戶吟升宋堂接先

曹之典刑暢遺民之風格

祝肇金石契

存理工篆籀

劉鳳

續吳先

賢贊

趙式

趙式字訓夫弘治中為中書舍人遷大理寺正工真

行篆隸

懷麓堂集

鄒忠

鄒忠字顯之無錫人雅好鍊養之術因自號林泉晚

嗜周易久而有得卦賦一詩彙括大旨書法兩沈撮

本幾十皆莊重續楷

印寶容春堂別集

吳鳴翰

吳鳴翰東洞庭人為縣學諸生工書屬文尤長於詩

詩成必親書小楷輒為人持去

王鏊震澤編

王一鵬

王一鵬字九萬號西園野夫華亭人弘治十一年應

貢授泰順縣訓導致仕性寥廓瀟灑綽似晉人工詩

善書畫尤長於署書郡中扁額多出其手

雲間志略

王西園字學趙文敏

張鼎寶日堂集

詹復禮

詹復禮詹僖之父故善書僖實過之

張時微寧波志

詹僖

詹僖字仲和號鐵冠道人鄞人初為縣諸生已而棄

去學書師王右軍樂毅論東方朔贊及趙子昂度人

經金丹四百字七觀焦君碣諸帖皆逼真年七十餘

燈下作小楷如蠅頭道勁可法兩京俱有碑刻人皆
珍焉名動公卿而充潔自好終不屑丐一官人以其

益重之

寧波志

仲和生弘治時行草法趙文敏一點一畫必有祖述

自云刻意書學五十餘年心記腹畫方悟旨趣嘗以

子昂款式落之識者卒不能辨

書史會要

仲和倣趙吳興體酷似之嘗作贗本以驚又別作李

懷琳揚補之得盲兒價甚夥

書史會要

仲和法趙承旨幾得其十之七但筆法不精偏鋒一

律不能生變

詹氏小辨

周時勅

周時勅字欽甫號古山華亭人弘治間累舉不第會

孝宗徵能書者俾直文華供內制因以書進士大夫

評之者謂道勁有古法造請無虛日武宗初授鴻臚

序班歷遷光祿寺丞

徐階少湖集

周璿

周璿無錫人以能詩工楷書名里中以子子義貴贈

吏部左侍郎兼翰林院侍讀學士

申時行賜
間堂集

王敷若

王敷若三山人少有志於用世既而以疾廢遂舍科
舉之學益務博覽無所不窺發為詩歌新麗可喜尤

工行草書

椒邱
文集

陳廷泰

陳廷泰閩之連江人好學能詩字畫亦遒勁可愛

丘椒

文集

沈天祿

沈天祿字親仁里稱僖逸先生錢唐人工書法臨歐

陽率更能吹洞簫好與黃冠游

沈朝煥泊如齋集

董元

董元更名玘紹興人九歲真楷草書皆能之

黃瑜雙槐歲抄

喬瑛

喬瑛字汝修雲南通海千戶所人弘治己未進士仕

至衡州知府詩文高古字學顏楷

臨安府志

張元澄

張元澄字靜夫號東山弘治甲子中鄉試以能書薦
詔修孝廟實錄入中書時逆瑾遣小奄索楷書不為
禮尋補南昌倅楷書遍二沈草法懷素與東海並驅
時有安南太守南昌倅東海東山配兩翁之句

青浦志

錢仁夫

錢仁夫字士弘常熟人弘治己未舉進士授都水司

主事遷繕部員外郎字學四體皆善號東湖居士常熟

志

張文淵

張文淵弘治己未進士授工部主事終南京禮部郎

中善真草筆力遒勁得朱文公書法

上虞縣志

楊武

楊武字文宗岐山人善大書弘治丙辰進士官至副

都御史

陝西通志

胡錦輅

胡錦輅字大載工詩善行楷弘治五年領鄉薦仕為

右府都事

尹臺永
新縣志

張潛

張潛字用昭號東谷華州人弘治丙辰進士授戶部

主事累官山東左叅政善吟咏工書

分省人
物考

鄧杞

鄧杞字思貞弘治六年進士為國子典簿善草書有

才名 新城志

張鈇

張鈇字子威慈溪人博學強記綜貫經史攻古詩文兼工篆隸真草燕居獨處必正襟危坐高風逸致傲

睨物表 張時徹寧波志

王綸

王綸字理之以字行師事沈啓南稱入室工篆隸楷

書不減率更令 崑山人物傳

雷鯉

雷鯉字自波號半憲山人建安人善詩工篆隸

建寧府志

黃雲

黃雲字應龍崑山人家貧力學文宗坡老書法山谷

弘治中以歲貢授瑞州訓導

蘇州志

陳厚

陳厚字良載弘治間以楷書選入史局供事預修會

典書成授翰林序班

杭州志

杜董

杜董字懼男有樗居古狂青霞亭長之號丹徒人占

籍京師勤學經史及諸子集錄舉進士不第遂絕意

進取為文奇古詩精確通六書

圖繪寶鑑續纂

盛安

盛安字行之號雪蓬字學晦翁頗得其似

王誥江寧縣志

王佐

王佐字仁甫自號古直老人黃巖人善草書游京師

客公卿間李西涯作王古直傳又贈詩曰長安信脚
自來往醉醒不信東君誰其風度可知也

靜志居
詩話

秦霖

秦霖字潤字號卑牧子無錫人教授鄉里人敬之必
曰卑牧先生學既該洽尤精於史喜為歌詩有唐人
風致為文長於啓劄所著述多成卷帙至於作書有

法又其餘事也

貌翁家
藏集

方乾

方乾餘杭人善書 懷星堂集

顧培

顧培字起元以字行工篆隸 崑山人物傳

夏禮

夏禮年七歲能書斗大字人稱為書小史沈周作長

歌贈之 蘇州志

汪道全

汪道全婺源人以能書名郡中清婉可愛 程敏政篁墩集

鄭時雍

鄭時雍歛人鄉進士詩文清新典贍工草書

程敏政
篁墩集

程階

程階婺源人好學能書為里塾師

程敏政
篁墩集

鍾禮

鍾禮字欽禮少孤力學書法趙子昂弘治中直仁智

殿

上虞
縣志

李進

李進字孟昭嘉興人博極羣書為文春容宏辨尤工

楷隸行草為郡學訓導

嘉興府志

蕭慈

蕭慈將樂人為邑諸生有文名尤工楷書

延平志

吳燿

吳燿字次明以縣學生貢入國子書法宗顏魯公尤

精篆刻善鑒古器物書畫

吳縣志

李橘

李橘字庭貢博學善書仕為太平訓導再領閩鄉守

誠順德府志

方絢

方絢字君素永定人篤學力行好古文工詞賦書篆

晚以八行舉辭不就隱居西山草堂門人稱濯錦先

生

閩書

邵文恩

邵文恩字仁甫閩縣人工行草選直誥勅房累官尚

寶卿 閩書

溫恭

溫恭晉江人篤志經史善楷書能鼓琴舉賢良方正

閩書

李璧

李璧自號介石晉江人教授鄉里工詩辭尤善草行

筆畫道勁若老幹枯藤深得宋翼字法 閩書

周令

周令字巽之瑞安人工柳楷書法郡守以奇童薦為翰林秀才弘治戊午令修累朝實錄授直秘書監歷

官通政使

温州府志

王蕃

王蕃思南人自號一瓢齋工篆隸為詩清逸

黔記

林宣

林宣錢塘人家貴陽有才行書法道勁隱居以終

黔記

湯敬

湯敬字克恭歷城人善楷書通經史弘治中為龍江

大使濟南府志

柴登

柴登精真草篆隸書弗求仕進鄉里稱為隱者南和縣志

楊碧

楊碧瓊州右所人工詩善真草篆隸瓊州志

吳應

吳應字允吉政和人能詩尤工篆隸建寧府志

周文通

周文通

孝宗時為大理寺左寺副

祝允明書述云談者謂邇日周

文通宜攀詹沈蓋亦依稀

懷麓堂集

弘治六年進士題

名榜周文通書

錢承德

錢承德字世恒常熟人成化十二年進士知阜平縣

擢廣東道御史正德初為福建鹽運司同知詞業清

美善楷法座有奇石五峯號五峰居士

常熟志

張嘉謨

張嘉謨字舜卿寧夏衛人弘治辛酉舉於鄉正德中

授兵部主事終山東按察僉事好書學篆隸行草各

得其妙

分省人物考

李士實

李士實字若虛江西豐城人成化丙戌進士正德中

為右都御史附逆濠伏誅

列卿紀

士實書瘦險醜怪而一時聲名甚著

藝苑卮言

傅亨號芝山工小楷篆隸

以下俱書史會要

章寶臣號丹崖官祥符縣尉能書

張節官禮科給事中能書

徐澄官中書舍人能書

張士寔官中書舍人能書

許伯貞官鉛山縣主簿善楷書

陸顧官主簿善書

潘謙官中書舍人能書

鄭公佐官澠池尉能書

陳謨字古訓江西南昌人官給事中善書

楊士廉號思夷常熟人工草書斲琴雕漆亦皆能之

范紳字朝儀號節齋嘉定人真行宗聖教亦善隸書

陳宣字以昭號桂軒嘉定人善章草宗宋仲溫

金勉字希賢松江人官中書舍人善行楷

陸勉字懋誠號竹石無錫人善書

周文褒永嘉人舉進士官河南布政使善楷書

何暹松江人官按察使工書法

凌壽錢唐人官大理評事工篆隸

柳濟字孟淵德化人善楷書

諸夏號彪湖能法書古文詞與海內名公游

書畫考

何翠谷雲間人業於醫登鄉舉其書翰深得晉唐氣態

雲間

志

六藝之一錄卷三百六十六